



21293

III Mag. St. D.

kat.komp.

P

*Hilarius*


*Aquila Potubiniensis*

PANEG. et VITAE

Polon. Fol.

M. 963.







AQVILA  
POLVBINIANA

SAGITTATIS SAPIEHARVM  
Lucidis Oginsciorum. Crucibus munita:

In

Illustri Wołodkowiciana Domo  
nidificans

Ad Solennem Nuptiarum diem Illustrissi-  
mi ac Magnifici Domini,

D. ALEXANDRI HILARII  
POLVBINSKI DVCIS A LVBNO,  
Parnauiensis Palatinidæ, Succamerarii  
Słonimensis, Capitanei Rudobielscensis,  
Cohortium hastatarum S. R. M. Præfecti.  
& Aulici dignissimi.

Et Perillustis ac Magnificæ Dominæ,  
D. SOPHIÆ WOŁODKOWICIÆ,  
Illustris & Magnifici Domini

D. CHRISTOPHORI WO.  
ŁODKIEWICZ NOTARII  
Terrestis, & Aduocati Minscensis,  
&c. &c. Natæ.

Observata.

Orbique Sarmatico  
Ærâ Christi

ArMa DeCent te sponse, Librl.  
te sponfa nltores

A. M. Ioanne Dziedzie Artium  
& Philosophiæ Doctore  
monstrata.



21.293





BIBLIOTHEQUE  
JAGELLONIQUE





IN AQVILAM  
POLVBINIANAM  
VEXILLO WOŁODKIEWICIANO  
Adornatam.

Fortiter & pugnas, & non, generosa volucris,  
Ballaque sæua geris, nec quoque bella geris,  
Pugnas, bella geris, validos dum viribus hostes,  
Prosternis Alis, concutis & pedibus  
Bistonias Alis Lunas, Sueticosque Leones  
Kozakos pedibus, proteris atque Scythas  
Non pugnas, nec bella geris tunc quando futura  
Semper amica Tuo pectore signa foues  
Wołodkiewicii gremio vexilla receptas  
Et Radwanorum nobile stemma capis,  
Fœdera cum bello iungis, cùm fœdere bella  
Bella volunt hostes fœdera sponsa ferit.  
Tractat Bella Mauors, Hymenæus fœdera sancit  
Tympana Mars pulsat, pulsat at iste fides  
Quid mirum, quòd utroque Deum comitata volu-  
Mars Bellatori, seruit, Hymen Thalamis, (cris?

*Ille-*




Illustrissimo & Magnifico Heroi Domino  
D. ALEXANDRO HILARIO POLVBIN-  
SKI, Duci à Lubno, Parnauensi Palatinide, Suc-  
camerario Stonimensi, Capitano Rudobielscensi  
Cohortium S. R. Maieſt. Praefecto & Aulico  
longè digniſſimo Domino & Mecœnati am-  
pliſſimo.

Aquila conſpectus Genti quondam Togata Romanorum, felicitatem augurio  
inducebat Dux Illuſtriſſime. Idque eò magis, quò volantem, & non ſeden-  
tem conſpicari fuerant. Sedentem enim etiam & imbelles Aues infeſtae  
re conſueuerunt; volantem verò & potentiores fugiunt, & ut Reginam ſuam  
reuerentur. Gentilitiam & ego quoq; Tuam cum conſpexi, non ſedentem, ſed  
ad Auguſta Tui Hymenaei Solemnia volantem Aquilam: Quam hinc, & cui  
felicitatem ominari debeam, haud poſſum conii cere Fortunatum me imprimis,  
quòd per ſublimia Virtutum ſuarum plurimis, ab annorum Centuriis volantem  
per ethera, cecutiente animo mihi fas contueri fuerit! Fortunatiorem Te, Cui  
talem ſortiri contigit! Fortunatiſſimam illuſtrem Wołodkowiciorum Domum,  
quòd apud ſe Nidum quaſierit, inuenerit, elegerit, collocauerit. Potentiſſi-  
mus ille Epirotarum Rex Pyrrhus (ſi ingenioſo Pierio credimus) in Nummis ex-  
primebat Aquilam, ſub pedibus ſuis Fulmen continentem, & pedibus calcan-  
tem. Tua non iam Fulmen, ſed Fulminis ipſius geſtatores, hereditarios  
Nominis noſtri hoſtes Scythas, ac Kozakos perduelles, pedibus calcas, ungui-  
bus diuellit. Cum pro Polonia (quàm vix iam fortè inueniam in Polonia) Patria  
Tua caſſiſſimà fortunatus velut aliquis Agamemnon Tuum Generoſum opponiſ  
pectus. Et quamuis Belli Deus Maiors, non niſi ad bella exercuerit, non ni-  
ſi armatam Soleà Cruceq; contra hoſtes inſtruxerit Tuam Aquilam: tamen iam  
modo ipſius Martis Arma ferrea contra hoſtem in Aurea, vel Laurea erga  
ſponſam dum quoq; pectori inſigne Wołodkowicianum ſuo inſcripſit, latus Hymenae-  
us transformauit. Demiſerat aliquando, ut ſolers teſtatur Plinius in ſinum  
Liuiae Drufillae, quae poſtea Matrimonii nexu Auguſta vocata ramum Lauri  
baccis onuſum Aquila, Velut ſapiens Plutarchus meminit, Telum Amphi-  
arai ab Aquila in ſublime raptum, in terram delapſum ſeſſiſſe in Laurum. Ve-  
rius hoc utrumque de Tua dixerim Heros inclyte Aquila: quae in ſinum verè  
Auguſtae Saphiae Wołodkowiciae ſponſae Tuae lectiſſimae, virentes & med. à hyc  
me affectus conjugalis Lauros baccis nuptialibus onuſtas demittit: Telumque  
in ſublime orbitatis Tuae nuper raptum, in Domum inclytam Wołodkowiciorum  
delapſum, cedit in Laurum. Ergo hanc, quia Tuam Tibi offero Aquilam, &  
dam off. ro literario quoq; munere Te compellare, ne vacuis ad Te veniam  
manibus; id enim nefas ducebat antiqua pietas geſtio. Scio Marti Tuo Armis,  
non Libris, Viris non Muſis opus eſſe potius. Nam ad Arma forte mox concla-  
mabit: Hymenaeus tamen Tuus, ut modo Arma ſilerent, Libri loquerentur  
Viri quieſcerent Muſae Epithalamia praecinereut multos Apollines ſolicitauit.  
Sub Tui igitur, auſpiciis iam lucis publicae, ſolis quaſi radios irreuerberato intue-  
atur oculo, Tua, à me euocata Aquila, Eſi Ariſtarchorum impetatur morſibus;  
Tu me patrocinio Tuo complectere & illam prudentiâ ſolitâ tuere obnixè pre-  
cer. Intra Ozniſciani Muſei parietes Vltimâ Ianuar. A. D. 1653.

Illuſtriſſimae ac Magnificae Dominationis Tuae  
Fidele Mancipium

M. Ioannes Dziędzic P. D.





D Sacratos Tui thalami Hymenæos, & mea vota Tibi fundere mens mihi est Dux Illustrissime. Nisi quòd bellicus tympanorum vlulatus, equorum hinnitus, fulgor armorum, quibus Tu omnibus inter decumanas Bellonæ tempestates, assuetus, & pridem iam es, interrurbet meum animum Gestiant meæ Camœnæ ad publicum lætitiæ Nuptiarumque Tuarum solennem applausum, quidpiam felici Apolline ludere; sed eas sagatus Mauors, in conspectum Tuum venire suo vultu prohibere videtur. Et quidni videatur? Habent hoc quidem Musæ cum Marte diffidium, vt <sup>a</sup> rarò aut nunquam, vbi Martis Clasticum canitur, pariter & Musis otii, & tranquillitatis amicis canere iura sinant. Quia tamen semper <sup>b</sup> Laureæ comitata Musis, & <sup>b</sup> Toga septa Armis magis refulgere consuevit, iam non tantum Martia tympana bellicæque tubæ apud Te, sed Apollinis quoq; Chelys Musarumquè tibiæ ad magnificum Augustale Tuum sonare debent. Ipse enim quoquè iam Tuus diu in bellis exercitatus Graduius, nunc in socialis coniugii thalamo cicurandus speratur. Et licet me non lateat haud facile esse eò Musarum chorum sistere, vbi Cytherea Dea latè suum extendit imperium; (<sup>c</sup> Pòdætæ enim & quidè sapienter. vt ait facile Princeps Oratorum Muretus, cum omnes Deos, Deaq;

<sup>a</sup> Christ. Vas  
seuicius  
Turcica 3.

<sup>b</sup> Idem ibidè

<sup>c</sup> Ex Panegyrico  
Laurus immortalis.

A

Deæ



Deæ Cythereæ imperio subdidissent, in Mi-  
neruam & studiorum Præfides Musas, nil ei,  
nil Cupidini iuris esse voluerunt ) tamen cùm  
ipse efferatus Belli Deus Mars, cum Hymenæ  
o Nuptiarum Deo perpetua ineat fœdera; &  
ipse Heliconis Alumnæ, vt cum Venere anni-  
uersarias vtrinquè faciant inducias est neces-  
se. Agite ergò meæ Camœnæ, iam pene En-  
thusiasmo ( quia nec legistis nec scripsistis )  
destitutæ, ac inter Bellorum Classica, bucci-  
narumquè cantus, inter POLVBINIA-  
NA tripudia, vestra Epithalamia præcini-  
te. Hîc Vestra probate pectora: & dum  
non florida renascentis veris recreant incu-  
nabula, sed grassantia hyemis terrent fri-  
gora; non dulces auium querelæ, vocumq;  
resonant certamina; sed alta depulsæ gelu  
volucres seruant silentia; non gemmantia,  
ridentiaque; sed præ algore gementia, rigen-  
tiaq; omnia conspiciuntur; dumq; non ver-  
nantia prata, non virescientia arboreta; non  
horti florum opulentiâ intumescences luxu-  
riant; sed rauco sæuoque Aquilone Aëra  
mugiunt ac hibernæ minæ sæuiunt: vos in-  
quam plausum date. Silent dum modò àé-  
rei choraulæ, vos occinite: Non applau-  
dit noua telluris pubes; vos acclamate:  
Non admurmurât solutæ frigoribus fontium,  
fluminumque Nymphæ; vos dulce leni blan-  
doque modulatum vestrorum susurro me-  
los fūdite. videbitis hîc POLVBINIANAS  
Aquilas, & quidē soleatas: Haurietis ve-  
stris



stris obtutibus Raduanos seu vexilla Wo-  
lodkouiciana. Illius vt Neosponfi amantif-  
simi; istius vt Neosponsæ lectissimæ. Quid  
verò illorum, qui se Polubinianæ domui co-  
gnato iunxerunt sanguine ampla decora;  
nonne suspicietis? stupebitis me herculè  
Cruces Sagittatas Sapieharum, lucidas O-  
ginfciorum, illas vt Auunculi, has vt Sororū  
affinisque antiquissimi. Applaudat igitur iam  
meæ (quæ errabunda, & quæ inconsulto  
mihi excidit) eloquentiæ beneuolentia eo-  
rum, quorum hîc Nomina an potius Nu-  
mina? luci publicæ consecratur: meque non  
olorinis aures demulcentem cantibus, sed  
anserinis obstrepentem vocibus coram se  
Laconicè loqui patiantur.

**P**eraugusta illustrium Heroum insignia, <sup>d d</sup>  
nil aliud esse, nisi literas, quicumque di-  
xit, sapienter mecastor dixit Dux Illustrif-  
sime. Quemadmodum enim Literæ mon-  
strant nobis omnium rerum incunabula atq;  
mysteria; ita insignia, omnium gestorum mon-  
strant exordia. Literæ, ne diuinarum huma-  
narumquè rerum Lethæis absorbeatur flucti-  
bus scientia, nèque inuidiosâ aboleatur ve-  
tustate efficiunt; Ne insigniter quoque &  
cum laude rerum gestarum mater annorum  
euanescat gloria efficiunt, & præstant insi-  
gnia. Procul iam hinc illæ voces.

*e Stemmata nil faciunt, nil prodest Sanguine longo  
Censeri, & pictos Maiorum ostendere vultus.*

Procul & aliæ. Ipsi enim quoque fu-  
A 2 peri,

Petrus  
Gregorius  
Tolosa-  
nus lib: de  
Rep: 6.  
cap. 16.

*e*  
Iuuenalis  
Satyra 8



*f*  
Ioann. Ra.  
uifus To-  
mo primo  
de Deorū  
inſignibus

*g*  
Idem ibi-  
dem Gen-  
tis inſigni-  
is.

*h*  
Tholoſan9  
ibidem in  
ſupra.

*i*  
Matthias  
Strycouig  
lib. 2.

peri, quos ſuperſtitioſa coluit antiquitas va-  
rii varia ſibi affinxerant, & effinxerant inſi-  
gnia. Princeps ipſe Deorum Iupiter ful-  
men, procelloſi Præſes æquoris Neptunus  
Tridentem; Arbiter Armorum Graduius Fra-  
meam; Pharetrâ grauis, ſpolioque Leonis  
Hercules Clauam; Ipſe denique poculorum  
Minifter Bacchus Thyrfum pro ſtemmate ge-  
ſtaſſe ab ingenioſis vatibus celebratur. Quid  
verò dicam de gentibus? *g* Pernices Scythæ  
Fulmen; Religioſi Galli, olim Bufones,  
nunc Liliâ; fortes Romani Aquilam; infidi  
Perſæ Arcus & pharetram, Impii in ſuos  
Monarchas Angli Leones & Roſas; *h* Moſchi  
gens vetuſta, & ſui ſemper ſimillima in vna  
parte imaginem hominis nudi equo ſine ſella  
inſidentis, haſtâque Draconem tranſuerbe-  
rantis, à tergo verò Aquilam bicipitem, v-  
troque Capite coronatam; Vicini Sueci Le-  
onem erectum aureâ facie, caudâ verbe-  
rantem tergum; animoſi quoque Scoti Rube-  
um Leonem; Fædiſragus Chriſtianoque no-  
mini inhians Turca, Lunam, *i* Barbari Gotti  
Vrſam, inhumani Cymbri Taurum, ſuperſti-  
tioſi Alani Catum, aliiſque alia pro ſtemmate  
geſtabant, ac geſtant inſignia. Sed quid mi-  
hi externis cum gentibus, veſtra Equites  
Poloni & Lithuani contueamini inſignia.  
Quorſum illæ apud vos acres Topororum  
Aſciæ? Quorſum nodosæ Naleciorū faſciæ?  
Quorſum Lubiniorum acutū cernentes fer-



ro terebrati bisontes? *k* Quorsum (missis om *k*  
 nibus innumeris) denique ipsa Polonorum *Cromerus*  
 Regum à Lecho Principe Poloniæ data A- *lib. 2.*  
 quila? / Quorsum olim à Palæmone, Colu- *l*  
 mna; à Iuliano Dorsprungo Centaurus; *Albertus*  
 non verò ita pridem à Norimundo Magnis *Koialo,*  
 Ducibus Lithuanorū Eques armatus stricto *wicz in*  
 Ense hostem persequens, vulgò Pogonia do- *Historia*  
 natus, in ceris vsurpari cæpit; nisi vt ex his *Lithuana*  
 aliisque insignibus, tanquam ex Literis vi-  
 ua quondam à maioribus gestarum rerum  
 memoria ad exemplum posteris legeretur, ad  
 imitationemq; colligeretur. Tuam ego quo-  
 que soleatam Aquilam, dum meis obtutibus  
 contemplor Dux Illustrissime, videre mihi  
 videor illa, quæ hominum superant memo-  
 riam, viuis quibusdam imaginibus, expres-  
 sisque & non adumbratis signis descripta, in  
 ea elucescere. Hæc est illa Aquila, quæ Ro-  
 manum Imperium Orbis caput, virtutum do-  
 micilium, sedem sapientiæ pro nido habuit:  
 Hæc est illa Aquila, quæ in splendidissimis  
 potentis Italiæ Regnis educata, tandem in Li-  
 thuania (*m* quàm si ex magnitudine æstima- *m*  
 re velimus, est amplissima: si ex hominibus *Matthæus*  
 ii eo sunt numero, qui bellicosissimi apud o- *Piskorze-*  
 mnes sunt habiti: si ex Ducibus illi tales *uius in fu-*  
 fuerunt, qui è suis sedibus à Polonis exciti, *nere Sig-*  
 Regnum apud Polonos centum octuaginta *Aug.*  
 octo annis serie continuâ obtinuerunt, Sum-  
 mâ Polonæ, Lithuanæquè ipsius Reip. glo-  
 B ria).



<sup>n</sup>  
Ex Panc-  
gyico No-  
wy Kon-  
stantyno-  
pol.

<sup>o</sup>  
Carrion  
Lib. 2.  
Monarch.  
4 ætat. 2  
vt refert  
Strykow-  
ski lib. 3.  
<sup>p</sup>  
Lib. 4.

<sup>q</sup>  
Kozalo-  
wicz lib. 2

riâ) adoleuit gloriôsè: Hæc est demum illa  
Aquila, quæ Ducali orta sanguine, non ni-  
si purpuratis clarissimorum Ducum Mitris  
incubans ad hanc diem vsque felicissimè  
viget, atque propagatur. Quem enim mor-  
taliū latere vnquam potest, <sup>n</sup> hanc Aquila-  
m Tuam Gentilitiam ab ipso Publio Li-  
bone siue Palæmone, Duce Hetruriæ, Viro  
bellicosissimo ducere originem: Qui inquam  
Palæmon, in bellis, quæ plurima gessit for-  
tunatè, confecit fortunatissimè, hanc ipsissi-  
mam in signis militaribus Aquilam circum-  
tulit; Tibique pro hereditario insigni ô  
Diuūm Domus POLVBINIANA æternūm  
circumferendam reliquit. Annosa est fate-  
or: Nam ipse ille Heros fortissimus <sup>o</sup> Libo  
Publius, siue ob intestina bella, siue ob per-  
secutionem Iulii Cæsaris, siue quòd pulsus  
Hetruriâ, vt flos Historicorum <sup>p</sup> Florus as-  
seuerat, cū alias sedes quærere coactus  
esset, Orbis 3 8 9 7. vrbis conditæ 7 0 6. ante  
Verbum incarnatum 48. in has rigidi Aquil-  
lonis plagas, cum sua Aquila, non tam ven-  
torum vi, quàm Fortunæ potiùs ipsius af-  
flatu cum quingentis fociis, natalium præ-  
rogatiuâ Principibus velut alter pius Æne-  
as appulit, ac his in oris Lithuanicis paca-  
tissimè conqueuit. <sup>q</sup> Hic excitatis tumultu-  
uario opere munitionibus, præsidia impo-  
suit; vt incolarum impetus, si fortè vim ho-  
stibus nouis admouerent, securius sustine-  
retur.



retur. Humanitate deinde, cæterisque pacis artibus, ad vicinorum animos pertentandos, conuersus, facile perfecit, vt æquo secum iure agros ab aduenis coli, haud grauatè, & absque iniuriis paterentur; omnique belli iure in eos abstinerent. Iam crescebat in dies potentia, iam valida, iam vicinorum cuiq; par erat, neque tamen conualescentes in vicino alienas opes, quisquam Lituanorum, aut tanquam suspectas formidabat, aut tanquam hostiles oppugnabat. Ingenio enim, agendique dexteritate ita utebatur Palæmon, vt res suas domi satis firmatas haberet, & apud focios extra inuidiam & suspicionem. Cuius virtutem incredibilem, cum non solàm admirari, verùm quoque imitari tunc Lituana sine Deo Gens gestiret, eundem mortuo suo Principi communi omnium suffragio subrogauit. Tantùm virtus etiam apud ignotos & barbaros admirationis, & dignitatis tunc habuit! Atque sic iam Liboniana olim, vel potius Tua nunc quasi post Libonem POLVBINIANA Aquila, in sublime honoris fastigium euecta sub hoc Lituanorum climate, alas suas fortunatè cæpit expandere, foetumque non nisi ad virtutis solem probatum effundere. Quotquot enim numerantur illi antiquioris sæculi Borci, Speræ, Cunassi; quotquot numerantur. Kierni, Gimbuti Cunassidæ; quotquot numerantur Ziuibundi, Montui-



lones Troynati, Lubarti, Borysi, Algimundi, Ringoldi, Mendogi, Trabi, Narimundi, Vitenes, aliique sexcenti Magni Duces Lituaniæ; omnes illi istius generosæ Aquilæ sunt foetus genuinus. Ipse quoque Gediminus Vitenis, Olgerdus Gedimini filius, hanc Vnicam Parentem Aquilam suam fuisse recognoscunt. Liceat mihi verò nunc Tuam numerosam, sed beatam prolem masculam Magne Dux Lituanorum Olgerde recensere: Liceat illos duodecem Tuos Natos, ac si duodecem Lituanicos Apostolos, haud inuitâ Mineruâ percurrere. Tui fuerunt <sup>r</sup> ex Vliana Vitepscensium Duce suscepti sex filii: Volodimirus Kiiouiensium Dux, è quo deinde genitus Olelko, seu Alexander Slucensiumque Ducum Familiam inchoauit. Ioannes Zedzeuitus Dux Podoliæ. Simon Linguineius seu Languinus, Dux Mscislauiensium, Andreas Wigundus, à quo Trubecensibus Ducibus genus est, Constatinus Dux Czernikouia; è quo deinde Czartorienfium Duces prodire, Theodorus Lubartus, Sanguszkorum Parens; à quo Kouelscii & Koszyrscii Duces: Tui sunt alii quinque præter Iagelonem suscepti è Maria Tuerensis Ducis Filia; Skirgello, Swidrigello, Korybutus, à quo genus ducunt Zbarascii, & Wisniewieccii Duces; Demetrius Koreciorum Ducum Parens; Wigundus, qui susceptis ritu Rutheno Christianis



nis sacris , Basilius , & Paulo post Alexan-  
der , cū ad Romanos transisset dictus fu-  
erat Dux Seueriæ ac Kiernouiæ. Beatum  
Te Magne Olgerde tantâ , tamque nume-  
rosâ facundum parentem prole! Porro Dux  
Illustrissime inter tot , tantaque Heroum  
Numina, & tua sibi nidum Aquila colloca-  
uerat: Tuæ namque Profapiæ genus ab in-  
clyto illo Andrea Wigundo ducit incre-  
menta. Quem tametsi instabilis fortuna mi-  
norem fecit Iagelone ; Natura tamen Pa-  
rens optima æqualem prodidit genere. Ab  
hoc igitur inclyto Ducalique fato sanguine  
viro, Illustris Maiorum Tuorum deriuatur  
propago. Hinc illi duo Theodori Parens  
& Filius : Hinc ipsius Filii, Andreas vulgo  
Fiedorowicz, qui primus titulum Ducum Li-  
thuanæ ; in Ducatum à Lubno cummuta-  
uit: & cum titulo signisque Ducalibus Ki-  
iouiæ in æde Diuæ Sophiæ penes cognat-  
um suum Volodimirum, Olgerdi verò pri-  
mogenitum , in structo de marmore Mausolæo  
pia ossa deposuit. Hinc ille Lithuanis,  
Polonis, ac exteris gentibus animi sui dex-  
teritate, nouoque Ducali titulo natus Lo-  
chuinus; Hinc Ioannes Polubinski Marschal-  
cus M. D. L. Palatinus Nouogrodensis, di-  
gnus & utilis Reipub. Senator, cum septem  
bellicosissimis Filiis , dignissimis in M. D. L.  
Viris : inter quos Alexander Castellanus  
Nouogrodensis alter Scipio vestræ inclytæ

Ex Panegy-  
ri. Nowy  
Konstanti-  
nopol.

C

Fami-



Familiae extitit. Hinc ad extrerum alter Alexander Auus tuus, Illustrissimique Tui Parentis Parens inclytissimus Succamerarius Lidenfis, Capitaneus Wilkiensis progeniem suam traxit gloriosè. Vides iam hîc Heros Magnanime, cum quibus Tibi congregationis, Maioribusque Tuis intercedat vinculum; dum Czartoriscios, Sanguscios Kowelscios, Koszercios, Zbarascios, Wisniewiczios, Korecios, aliosque innumeros Duces eiusdem stirpis adæquas sanguine. Vides Aquilam Maiorum Tuorum dignam extitisse Regali toro Aquilæ Sarmaticæ: Cùm Gedminus, ille qui Poloniam ipsam sæpe debellauit, Aldonam filiam suam, Annam post nuncupatam, Casimiro Principi Loctici filio desponsauerat, ac dotis vice viginti quatuor millia Poloni nominis captiuorum donauerat. Quamuis autem tot gentilitii splendoris ornamentis fatis hæc generosa Ales illustris fuerit; illustriorem tamen se fore augurabatur, si inter Chodkiewicziorum Wolouicziorum, Lubomirsciorum, Baranowicziorum, Ligezarum, Lacciorum, Kmitarum, Niruszeuicziorum, Tyfzkieuicziorum, Masalscorum, Sokolinsciorum, Stadniciorum, Korsakoorum, aliarumque Principum in Regno Pol: ac M. D. L. Familiarum insignia se suumque amicum pectus, insereret. Nihil iam hîc loquar de præclare gestis Maiorum Tuorum: nihil de Libonianis seu Palamo-



læmonianis: nihil de Vitenianis, Gedimini-  
anis, Olgerdianis dicam trophæis, quia hæc  
vt antiqua, sic ea ipsa testis temporum, lux  
veritatis, vita memoriæ, Magistra vitæ,  
nuntia vetustatis loquitur, & loquetur æ-  
ternum Historia. Illustrissimus ille Auus  
Tuus Alexander, verè Macedonianus Deum  
immortalem, quæ & quanta ille pro aris &  
focis, pro patria, pro incolumitate Ciuium  
stupenda non gessit? Sensit ipsum amplissi-  
mum illud Imperium, quod, ad tria millia-  
rium millia in longitudinem, ad mille quin-  
genta in latitudinem protenditur: sensit in-  
quam ab ipso deuicta Moschouia. t Cum  
enim depopulatum Liunionem nobilissimam  
Prouinciam quinquaginta Moschorum mil-  
lia ferè inuasissent clauum imperii Poloni  
Diuo Sigismundo Augusto haud infeliciter  
moderante; Auus hic Tuus gloriosissimus  
exiguâ satis manu militum, ad Mariæburgū  
se illi opposuit; bis cum eo conflixit; &  
conflixisset amplius debellassetque; nisi v-  
niuersi turpissimè ex acie sese subtraxissent.  
In quo tamen bello plusquam quadringenti  
Moschorum interfecti sunt, vnusque præci-  
puus Dux exercitus, Iuanus Kniaz, illorum  
vernaculâ linguâ, captus ac Regi cum plu-  
rimis aliis captiuis per Gregorium Tryzna  
Marschalcum Lithuaniae, Vilnâ missus fuit. De  
Parente verò Tuo Constantino inclito quid  
dicam? Hic in sapientissimis exterarum



nationum Palladis Gymnasiis enutritus, ad  
 aulam se contulit: Hicque non diu commo-  
 ratus Castra, Martis ipsius Scholas petiuit.  
 Hic quàm se strenuè gesserit, ipsi illi consi-  
 lio Vlysses, manu Achilles Polonici, ac Li-  
 tuanici Carolus Chodkiewicz in Liuania,  
 Zolkieuius in Podolia, Sigismundus deni-  
 que tertius Rex noster, in Moschouia, quæ  
 ab omnibus expectauit, in hoc solo specta-  
 uit. Ob quæ sua in Patriam merita, & egre-  
 gia facinora, iam Senatoriâ dignus autho-  
 ritate, primò Marschalcus Slonimensis, post  
 Castellanus Mscislauiensis, ac tandem Pala-  
 tinus Parnauiensis, à D. Sigismundo est cre-  
 atus. Felix tum sæculum, cùm meritis ho-  
 nores respondebant, nec dignitas cedebat,  
 pecuniæ, Virtus generi, ingenium focor-  
 diæ atque negligentia, Veritas assentatio-  
 ni! Sapientissimum Regem, qui gradum ad  
 honores amplissimos Virtutem volebat esse,  
 non genus, merita non pecuniam. Mitto hîc  
 Fratrem Tuum germanum, Hieronymum  
 Constantinum, quem ipsa inuida non di-  
 misit, sed quasi florem nondum in dulcissi-  
 mam Patriam meritis maturum, obsequiis  
 Palladianis (s primo in Academia Cracoui-  
 ensi, in Regno Poloniae Pietatis & Religio-  
 nis Magistra, Ecclesiae Dei & Reipub. Po-  
 lonae seminario, sedis Apostolicae Romanae  
 Cultrice; post in aliis celeberrimis Variarum  
 gentium nationumque Scholis) addictum  
 manci-

s  
 Ex literis  
 Laurentii  
 Goslicki  
 Episc. Cul-  
 men. ad  
 Sixtum v.



mancipatumque acutâ falce demessuit. Hic quanta suæ diligentiae specimina, futura magnæ sapientiae indicia, in ætate adhuc teneriore ediderit, magnus Eloquentiae buccinator, alterque Cyneas Ioannes Cynerski Præceptor suus fidelissimus olim prædicauit, nuncque prædicat? Quàm ex abstrusis Logicarum disputationum latifundiis deducta tela, Achillesque contra suas Theses fabricatos fortissimos, fortiter sustinuerit, in Principe Urbium Cracouia, Senatus Academicus comprobauit, & nunc commemorat. Magno Vtui fuisset hic suæ Patriæ, si illum melior tranquilliorque non inuidisset, ac non eripuisset nobis Patria. Neque tamen eripuit, sed illum in te Heros Inclyte Fatis quibusdam occultis, vt in Paternarum suarumque virtutum non modò herede, verùm etiam æmulo medius fidius assèruauit. Iis tu quibus ille imbutus disciplinis, iis innutritus sapientiae exercitamentis variis in Academiis cùm esses, iam Paludamento Militari indutus bello erudiendum & inaugurandum animum Tuum pro Patriæ salute, Maiorum Tuorum incitatus Heroico exemplo vestigiaprehendisti; Vidit Te non Equitem modò nobilissimum, sed præclarum Ductorem, Tui ordinis fato suo aliquando funeranda Russia, quando gladio Sarmatico, hastâque concursoriâ hostili de corpore fluenta cruoris.

D. . . . . edu-



educebas, & purpureus alieno sanguine tot  
capita perduellis, & barbaræ gentis deme-  
tebas. Non vna Te acies contra Scythas  
decertantem, non vna rebelles Kozakorum  
turmas ad officium & obsequium Patriæ  
conspexit reuocantem. Dux Tibi & for-  
tunæ tuæ administra, Regnorum concilia-  
trix, Amorum nutricula, Gratiarum Parens,  
sceptrorum domina, Regalis penè adfuit  
prudencia; quæ Te non dicam Vlysses, sed  
Achillem Sarmaticum præclare gestis no-  
bilem remotis concedit Regionibus. Non  
progeneravit, Te generosa Tua Gentilitia  
Aquila imbellem columbam; sed fortem  
fortibus, bonis bonum. Ita Te efformauit, vt  
non nisi ferreo generositatem Tuam calamo  
vivo hostium fidei, & Patriæ, corio inscri-  
bere noueris. Habeat sibi suam Iupiter fa-  
bulosam Aquilam ministram, illamque ful-  
mine ad terrorem armet: Vestram Aquilam  
Polubinia Domus, armis quisquis suspicit  
instructam, si ciuis est, Patriæ gratulari, si  
hostis fidem cum obsequio colere debet.  
Sydera continuo volatu petit? nunquam  
magnis defessa laboribus: Aëre libero gau-  
det? libertatis auitæ porrigit indicium! Sen-  
sere Leones Suetici huius Alitis fortitudi-  
nem; & si rursus audeant, sentient. Sensit  
Luna Otthomanica, dum barbara toties  
ipsius cornua indefessa transuolauit: Perfida  
ipsa Moschouia Aquila, etsi Polubinianæ  
videa-

*Conciliatrix*

*Aquila*



videatur concolor, ac æmula, imparem tamen se toties confessa, Polubiniانو non raro fugata robore. Aiunt naturalium rerum accurati indagatores, Alitum Reginam Aquilam cum immani sæpe dracone bella gere re consueuisse; solamq; ex volatilibus nunquam tangi fulmine: Hoc veriùs de Polubiniana dicendum existimauerim. Quæ quotquot hostes Patriæ, sæuos tot Dracones habet; quotquot verò hostes habet, tot cum indefessa & intrepida rigidi aggreditur Martis certamina. Et cum sese his incertaminibus, suumque generosum pectus pro Aris, & focis opponit fortissimè, horridis ingentium tormentorum fulminibus haud quatitur. Ipsa imò hostes suos velut trochilos, è sublimi tela iaciendo, concutit, proterit, nec non dilaniat. Concutit, quia rostrata, proterit quia soleata; dilaniat, quia vnguibus obarmata. Habet rostrum acutum, quo concutiat; Habet soleam ferream, quâ proterat ac conculcet. Expandit vngues aduncos, quibus dilaniet ac dilaceret, non amantissimos ciues Patriæ, sed infensissima fidei Nominique Polono portenta. Priscos Reges Persiæ locò ornamenti in pectore soleam gestasse Veneranda peracti sæculi testatur antiquitas: At hæc Aquila, suâ non ornatur soleâ, quin armetur; nō armatur quin ornetur: non armatur; nec ornatur quin contra hostes exarmetur. Atq; ita exar-

Solea



162  
milita Polonica  
matur; ut nunquam vel inlubrico titubans semper hostiles animos, & vel effuso sanguine erubescendos proculcet fastus gloriae. Equidem haec vestra solea, plura feliciter suscepit, felicius gessit, felicissimè toties confecit, cum hoste praelia, quam acutum Praxitelis celte, aut Lysippi vel Phidiae stylum pugnas Lapitarum, Centaurorumque suis in soleis quondam descripserant. In cassum tu quoque Iacobe Tertie Rex Scotiae iactasti, quam gestasti soleam, cum Epigraphe: Ornat constantia Reges. Nam multis parasangis distat tua, à Polubiniāna, solea. Non eo inficias. Tuam locò clauorum gemmis pretiosis, auroque adornatam fuisse: At Crucem illi adfuisse, quam gestat Polubiniāna, eo inficias. Est omni auro pretioso gemmisque Crux pretiosior: Et quod aurum gemmaeq; praestare nequeunt id, ipsum Crux facillimè, praestat & tuetur. Apage iam hinc inimica sanctae Cruci turba, & illam diris deuouere desine. Apage, scelestissimaque ora, quibus maledicta tua, blasphemiaq; verba in Crucem sanctam euomis, comprime. Prius adhæreat lingua tuis faucibus, quam malè de illa loqui inceperis: Prius rabies, furor, ira que mentem tuam occupet, quam aliquid sacrilegi in mente tua, contra Crucem sanctissimam, volutaueris. Nihil hinc vestrae mentes spuriae, nihil voces impiae; nihil ora blasphema dedecoris Crucis



ci sanctissimæ queunt aspergere. Sed quid mihi cum hac fæce, quæ pessima sectatur, & meliora reprobatur? Tua tua Heros Magnanime in secretioribus mentis Tuæ recessibus Crux vigebit: dum auitam fidem, pietatemque, quam suscepisti semel, nunquam dimittes. Perennabit Tua forti in pectore perduellis hostis proculcans pectora solea, Quam à Maioribus Tuis Clarissimis statim cum lacte hausisti: dum colla hostica stylis ferreis confodies. Volitabit æternum Cruce soleaque signata, & insignita Tua Aquila, quæ Romanum non Moschouiticum (vt nonnulli) nidum habuit: dum per altum gyrans vasti orbis àëra extremos ad Indos usque nomen gloriosum, factaque Tua fortia transmittet, ac immortalitatis fastis consecrabit.

Sed ad tantam quoque Tuæ Gentilitiæ Aquilæ Maiestatem & Cruces Sapiehanæ acri telo exacutæ veniunt. Et cur cum Hymenæo venire dedignarentur, quæ prius Castam Lucinam ad Genethlia Tua sequi haud recusarant. A quo enim tempore Illustrissima Parens Tua Zophia Sapiezanka, Illustrissimi Nicolai Sapiehæ Palatini Mscislauiensis germani Fratris Leonis Sapiehæ Vilnensis Palatini summi Ducis exercituum Filia, Tuo Illustrissimo Parenti Constantino, sacro Matrimonii est fociata fædere, ab eo, insignia Sapiehana in domo

E

ve-



vestra, suam locârunt stationem, Egregia per-  
augustæ Domus Sapieharum gloria, vestræ  
adhæsit Domui; & tot decoribus illustris,  
ac per fasces, Laureasque deductus san-  
guis vestro communicatus sanguini. Dixe-  
rit non nemo maximos quosque viros, aut  
Romanos, aut Romæ esse: Dixerit alius  
eandem sibi Templum, Romanos Senato-  
res videri Reges: Hæc ego veriùs de Sa-  
piehana Domo dixerò: Cui idem est virtu-  
ti, nominique campus: Quibus pectora pro  
mænibus, animi pro scuto, exercitata bello  
Maiorum canicies pro galea; Qui Polonum  
Lituanumque nomen non tam inuenerunt,  
quàm virtute, sudore, ac sanguine compa-  
rârunt, Nolit ea Lauros, nisi ex hoste fer-  
ro excisas. Nolit in manus palmas, ante-  
quam gladios, Corona victrices capliti, prius-  
quàm galeam, aut purpuram militarem cor-  
pori ante hostile tabum. Quantos hîc me-  
morem, quos hæc Nobilis Virorum edu-  
catrix Domus Sapiehana, nobili Romæ vel  
opponere possit, vel præferre? Non per-  
currentur singuli: Nec cùm singulares sint,  
numerari possunt: Qui vetustatis ipsius eti-  
am fidem fatigârunt; vtpote qui vel ipsa  
Olgerdi tempora, aut præcesserunt, aut cer-  
tè adæquârunt. Hîc à plurimis annorum  
centuriis, quâ sago, quâ Togâ florentes,  
& paludati Duces; hîc gloria, hîc fortitu-  
do, hîc omnis amplitudo, hîc posterorum  
quæ-



quædam cum ætate currens (currat & vti-  
 nam) æuiternitas sibi fixerat domicilium.  
 Regio lateri perpetuò assistere, ad Sacram  
 eius esse aurem, Augustæ Regni Maiesta-  
 ti, quâ publicè, quâ priuatim præire; Ro-  
 stra & Castra pro libertate, & Regni custo-  
 dia moderari, Senatoriæ purpuræ esse Reges,  
 Sapiehanæ Familiæ, hereditaria quodam  
 modo fuerunt ornamenta. Hinc à multo  
 tempore inclyta inclytorum passim è Pro-  
 sapia Sapieharum in Magno Ducatus Lithua-  
 niæ Urbium Præfecti, Dynastiarum Rectores,  
 Prætores Satrapiarum, Senatores primarii,  
 Excellentissimi Toparchæ, & quod in vna  
 Domo rarissimum, quinque & viginti (præ-  
 ter innumeros Reipub: Officiales & Admi-  
 nistros, veluti Cancellarios, Procancellari-  
 os Marschalcos Capitaneos) præcipuæ di-  
 gnationis Palatini: Quatuor Imperatoriâ  
 potestate, & militari peritiâ Viri conspicui.  
 Ioannes Videlicet supremus Cancellarius  
 M. D. L. acerrimi Vir iudicii; & cùm Mi-  
 litiâ bonus; tum Legatione Romanâ perce-  
 lebris. Alter Ioannes Vsuïatensis Guberna-  
 tor Castellanus Kiiouien: strenuissimi bel-  
 latoris, haud imbellis Filius, terror Mo-  
 schouiticus, & toto septentrione celeberr-  
 mæ illius Troicensis Victoriæ, quâ centum  
 millia Russorum profligata fuere, felicissimus  
 Strategus. Andreas quoque Palatinus Po-  
 locensis, bellis Liuonicis, & Victoriâ de Mo-

Simon Ste-  
 rouolcius  
 in præfati.  
 D. clero-  
 montane



sehouitis apud Vendam obtentâ clarissimus.  
Tum denique ille Vir Martii Nominis &  
Animi, nunquam Ceruus; neque enim Cer-  
uorum; sed semper Leo; quia Leonum Exer-  
citum sibi suâ humanitate comparabat:  
Leo inquam Sapieha, supremus M. D. Li-  
tuaniæ Exercituum Imperator: qui cùm v-  
trâque prudentiâ notus esset omnibus, tum  
ob singularem munificentiam ac liberalita-  
tem (Ecclesias enim plures quàm viginti  
quatuor erexit, & fundauit. Monasteria,  
Collegia, Parochias, Commendas per Al-  
bam Russiam innumeras cultui Diuino con-  
secrauit) cœlo ipsi charus. Hic sanè iudi-  
cio sapientissimi Regis Stephani, præ tot  
reliquis dignior habitus, quem Curia suæ  
Regiæ tanquam fidum Achatem perpetuò  
addiceret. Post cuius Regis decessum ad-  
summos in Repub. honores gradatim ascen-  
dit, & post magnum illum Lituaniæ Sci-  
pionem Chodkieuicium, suffragio totius  
Reipub. Dux Exercituum M. D. L. fuit  
declaratus. Quam ille nactus Spartam adeo  
exornauit, vt rediuuium crederes in ipso  
Chodkieuicium. Sed non degener à tanto  
Parente tantus filius, à Leone Leo Sapie-  
ha Vicecancellarius Magni Ducatus Lithua-  
niæ, Tuus verò Neosponse inclyte Auun-  
culus; æmulatur non tantùm Paterni nomi-  
nis quia Leo, verum quoque virtutis quia  
inte-



integerrimus cuius ea est autoritas apud  
omnes, ea dignitas & vitæ splendor, vt nul-  
lius opes in hoc Magno Ducatu Lithuaniae  
maiores vnquam fuerint: Et tamen illud,  
quod Platoni illi Philosophorum Deo, diffi-  
cile videbatur, vt summæ opes cum sum-  
ma virtute, in eodem homine possent esse,  
ita vtrumque cum summa laude in eo ex-  
cellit, vt nihil in Regno sit illo ditius, ni-  
hil etiam melius. Nam bonarum rerum &  
literarum ac ipsius doctrinæ ita studiosus  
est, vt aliud cupere videatur nihil. Opes  
etiam ipsius non libidinum neque cupidita-  
tum sunt instrumenta, sed humanitatis, vir-  
tutis, atque dignitatis singularis. Hoc ho-  
mine quoniam vehementer nituntur res  
vestræ Poloni & Lithuani, salutem illi &  
incolumitatem omnes velle & optare debe-  
tis. Quid verò ego ipsius in Patriam Remq;  
publicam eximia merita commemorem?  
quid res in Toga & in in Sago gestas egre-  
giè repetam? cum adhuc viua illarum apud  
omnes exstet memoria. Hic Legationem  
ad Moschouiae Principem, grauissimis in  
Reipublicæ negotiis, ea in ætate, quæ etsi  
non annis, prudentiâ tamen maturuerat sub-  
iit, ac laudabiliter absoluit. Hic Magistratus  
ea fide administrat, vt quòd in eo desideret  
quisquam, non habeat; quod verò mi-  
retur plurimùm. Adeò vt dum nuper piæ  
memoriæ Diuus Vladislaus xv. languere se

F

vide-



videret, testes vltimæ voluntatis suæ tabu-  
las non cuipiam sed ipsi signandas tradide-  
rit. Quanta verò in Deum Diuosque Indi-  
getes pietas eius eluceat, testatur ille Ze-  
lus, quo permotus fermentum Calvinisti-  
cum conatus est Vilnâ eiicere; Testantur  
tot Diuino Cultui ab eo exstructæ Perau-  
gustæ Basilicæ: Tot siue aucta siue funda-  
ta Religiosorum loquuntur Cænobia. Ipsæ  
Musæ quas ille cum Iure Ciuili & Cano-  
nico exteris ex Academiis euocauit ac Vil-  
næ in Principe Vrbium Magni Ducatus Li-  
thuanianæ diuite censu dotauit & ditauit de-  
prædicant. Non illi quoque surdæ ad que-  
relas inopum aures, nec ad indigorum vo-  
ta in sinum repostæ manus. Patet aditus  
succurrendi pauperum & Religiosorum ne-  
cessitati. Multa magnaue, nedum Polo-  
niam verum quoque ipsam Lithuaniam exer-  
cuisset vastitas illis luctuosis annis quando  
à morte Vladislai iv. Zaporouiana Rebellio,  
Russicis Scythicisq; succincta armis, tot ag-  
grestes in excidium Nobilitatis armauerat:  
nisi Sapiehana præsidia in tempore submis-  
sa retardando hostium progressus præsto ad  
fuissent. Ille militem de propriis lectum ita  
opportunè bifariam hosti frenando obiecit,  
vt & Russiæ Albæ vltiores Prouinciæ, &  
propinquior Podlachia Lithuania integrita-  
tem suam illi aut ante omnes aut inter pri-  
mos debeant. Ille præsidia Bychouia for-  
tissimo,



tissimo propugnaculo imposuit : ille non  
exiguam militum bellicosissimorum manū in  
hoc bello , cum perduelli Koxako ad pro-  
pulsandum ipsius impetum continuo suorum  
facultatum suarum dispendio maximò cum  
Patriæ subsidio fouit asseruauit. Vidit illum  
propè labascens Orbis Sarmaticus ; Vidit  
Patria contra ferales hostium turmas, inui-  
cto semper animo decertantem : spectauit  
Casimirus iv. Rex Noster Inclytus dexte-  
ram Sapiehanam auitæ non egentem glo-  
riæ ac immortalitatis, Cœloque sacram de  
tot Scythicæ Russicæq; locustæ copiis trium-  
phantem. Sensit perfidus Kosacus quid Sa-  
piehana domus valeat quid gentilitia Sagit-  
ta sit, expertus est, dum toties confixus in  
acie occuluit. Senferunt & fugaces Scy-  
thæ suas Cruces geminas , dum toties vel  
in acie occumbere vel ex acie decedere tur-  
pissime coacti fuerunt. Summa hæc est  
Sapieharum fateor gloria & illa quæ cœlo  
ipsi æquanda laudibus. Sed Tua Heros  
Magnanime vt sanguinis, sic & istius gloriæ  
ex asse Heres, censenda Aquila. Quidquid  
enim Cruces Sapiehanæ præstant gloriosi,  
id totum in Te Tuamque deriuatur & de-  
scendit Aquilam. Numerantur illi inuicti  
ex Sapiehana domo ( quæ Atlantum Reipu-  
blicæ Patria meritò nominatur ) Scipiones  
Lithuanix, Nobilissimi Mætelli, Prudentissi-  
mi Catones, fortunatissimi Cæsares : Hi om-



nes & singuli Tuæ domus inclytæ sunt de-  
 cora atque ornamenta. Iam hîc ad Thala-  
 mum Tuum meus properaret Hymenæus,  
 nisi illum adhuc Oginsciana Crux (in qua  
 tunc Tua primùm consedit Aquila, cùm  
 Illustrissima Soror Tua Catharina, ab Illu-  
 strissimo Alexandro Oginski Castellano  
 Trocensi Dorfuniensi Capitaneo in thori vi-  
 tæque sociam cooptata fuit) retardaret He-  
 ros Magnanime. Quamvis verò benè in-  
 telligam, me haud sine Aristarchorum litu-  
 ris id onus suscepisse; vt tamen à me non  
 commemorata, peraugusta hæc Domus ma-  
 neat, non patiar. Quorsum, inquiet, quispi-  
 am Cruces Oginsciorum lucidas Polubinia-  
 næ iungis Aquilæ? Horsum, vt qui dubio an-  
 cipitique hæret animo, cognoscat, non so-  
 lum, quos inter consanguinitatis Polubini-  
 næ intercedat vinculum; verùm quoque  
 ad quos, & cognationis affinitatisque iura  
 extendantur. Rudis profectò ille est cen-  
 sendus, qui Consanguinitatis duntaxat accu-  
 ratâ perquirat indagine primordia; cogna-  
 tionis verò ac Affinitatis est immemor. Est  
 Tibi Dux Illustrissime cognata Oginscio-  
 rum peruetusta Domus. Quæ plus quàm  
 ducentis, ab annis, his in oris Lithuaniae bel-  
 licæ laudis gloriâ inclarescit. Siue enim (vt  
 quidam) ab illo tempore, quo Casimirus  
 III. Iagelonides Magnus Dnx Lithuaniae in  
 Moschouiam incurfionē fecerat; Interque a-  
 lias



lias Arces , ac propugnacula, Arcem Koziel-  
scensem ( à qua hæc inclyta Domus, heredi-  
taria Kozielsciorum deducit Nomina) expu-  
gnârat ; & multis bellicosissimis Moschouiæ  
Ducibus, Aquilam Polonam, Equitemque  
Lithuanum sequi persuaferat ; hæc quoque  
Domus Oginsciorum in Lithuaniam suam  
transplantâuit propaginem : siue ( vt alter )  
cum maximi Moschouiæ Bellatores, ac ipsi Okol-  
scius l'om  
2.  
Oginscii, Tyrannorum Ducum crudelita-  
tem detestarentur, neque tamen plurimis  
beneficiis, promotionibus, honoribus datis  
& promissis, à recto deuiare intenderent,  
abiectis, & neglectis omnibus, ad Reges Po-  
loniæ, & Duces Lithuanæ transfierunt. Li-  
cet enim Patria, cuique sit ac esse debeat  
grata & delectabilis, innodata tamen impie-  
tate, & innocuo cruentata sanguine, vnicui-  
que abominabilis existit. Sic Solon pruden-  
tissimus, cùm videret rerum summam esse  
penes Pisistratum Tyrannum immanissimum,  
ante Curiam Arma deposuit dicens : O Pa-  
tria Tibi & dictis, & factis sum opitulatus,  
ac in Ægyptum nauigauit, vt primùm ita-  
que & Illustrissima Oginsciorum, Ducaliq;  
in Moschouia progenita Domus sanguine,  
hîc in Lithuania confederat, animi sui gene-  
rositatem, non in latebris occultare, quod  
turpe ; sed in acie pro communibus omnium  
Ciuium Fortunis probare, quod gloriosum  
occeperat, Et quemadmodum ignis in oc-  
Laertius  
lib. 1



culto esse non potest, quin erumpat; aliquando: Ita accensi Virtutis Oginscianæ igniculi, latere nunquam potuerunt, quin sese in publicam lucem semper explicarent. Mittam ego licet ex hac Prosapia, antiquitate, & suâ virtute viros clarissimos plurimos; occurrit tamen meis animi oculis, vir armatâ togatâque Pallade commendatissimus Bogdanus Oginski, Trocensis olim Succamerarius, Cormalouienfis, atque Dorfunensis Capitaneus, Præfectus Cohortium S. R. M. sub Stephano Rege olim potentissimo, atque Bellatore fortissimo. Hic ad Gedanum maritimam Ciuitatem illo ipso Rege inspectante, virtutemque illam, ad maiora & pulchriora belli facinora, laudibus, & præmiis amplissimis inflammante, mirum cogitatu, quantum rebus fortiter gestis, aliis, qui militarem gloriam expetiuerunt, antecelluerit. Nam siue cominus, & aperto Marte cum hoste congrediendum erat, primus omnium, atque expeditissimus cum suis Cohortibus Oginscius aderat. Siue eminus molitiones Stratagemate hostium anteueriti oportebat, ille magnâ dexteritate, atque salutari consilio, quid facto opus esset, suadebat, persuadebat. Vt non tantum egregii militis vices obiuerit; Verum sapientissimi in Curia illa militari Senatoris munere sæpe numero fungeretur. Fuit Regi Stephano sapientissimus Eloquentiâ Cynæas,  
Ajax



**Ajax fortitudine.** Ventum est ad compri-  
 mendam Nalewayconis perfidiosi impune  
 grassantem licentiam: ibi quoque singula-  
 rem animi magnitudinem testatam reliquit  
 Oginscius: Cum hostem Patriæ sceleratissimum,  
 acerrimus propugnator, fortissimus  
 audacissimum, capit stringit, ac mancipii in-  
 star teterrimi, pedibus Domini subiicit, ac  
 substernit. Missus Lithuanicus exercitus in  
 hosticum fuerat, ac ultra Toropeciam in  
 Moschouia progressus, ad Salesam conflixit:  
 Et hinc Herculeam fortitudinem monstrauit  
 Oginscius. Aded ut illustris vir Regii in  
 sanctiore Consistorio Consiliarius, & in su-  
 prema Regni Gallici Præses Curia Iacobus <sup>Lib. 73.</sup>  
 Augustus Thuanus proclamaret inquit: <sup>Histor.</sup>  
 Bogdano Oginscio, & Gabriele Holube-  
 cone suo nepote sororio rem strenuè gerenti-  
 bus. Atque cum iam senio confectus esset,  
 velut Eryx alter, hic idem Oginscius, post  
 bella Prussica, Liuonica, Valachica, corpo-  
 re toto debilitatus, seniculus iam exanguis  
 & pallidus Veteranus; non prius tamen ar-  
 ma ex manibus dimisit, quam virtutis bel-  
 licæ factorumque suorum successorem re-  
 linqueret filium. Itaque Alexandro, verè  
 Alexandro nunc Illustrissimo Castellano  
 Trocensi Dorfunensi Rohaceuiensi Capita-  
 neo, ad Smolenscum tunc D. Sigismundo III.  
 pro Reip. incolumitate excubare, conuocatis  
 sociis, obortis lachrymis vnà cum Claua mi-



litari reddita, Curam Præfecturæ Cohorti-  
um S. R. M. commendauit, Hic verò quis  
& quantus inter masculæ virtutis Heroas,  
quibus pretioso sudore frontem asperatam  
Mars honestis cicatricibus depinxerat, fue-  
rit? Vt primùm illum in sua Castra recepit  
Armorum Deus, statim suæ virtutis thea-  
trum primam armorum officinam, quibus se  
exerceat ad Smolenscum, ratus, florem æta-  
tis suæ dicauit & consecrauit Gradiuo. E-  
ruperat deinde Ottomanicum iam diu ce-  
latum virus pectore, & depositâ simulatæ  
ab hinc annis amicitia, pietatisque laruâ,  
publico barbarorum furore, validissimum  
Christiani orbis Antemurale petebatur Po-  
lonia: dum Osmanus crudelissimus Turca-  
rum Tyrannus, & Christianitatis, nouus  
quidam temporibus illis Mezentius, collu-  
uiem Asiæ Vniuersæ, Lechiæ infunderet: Hic  
non spectator tantum, sed bellator strenuus,  
cum Cohortibus suis adfuit Oginskius. Non  
illum terror Geticus, non liuor Thracicus,  
non limes Dacicus, à proposito bellandi stu-  
dio auocauit: Non pulueris Martii calami-  
tas, non inuictus Castrorum rigor, non æstus  
præliorum, non strepitus lituorum, non  
murmura bellica terruerunt. Mitto bella  
Liuonica, mitto Prussica vt minora, in qui-  
bus ille rem gessit strenue. Plerique quon-  
dam domi suæ Leones, in campis Moscho-  
uiticis ostendêre se Ceruos: regnante Vladi-  
slao.



flao iv. Impatiens tantæ labis Oginfcus, ve-  
lut alter Achilles in medios hostes profiliit.  
Vrbs fuit in Moschouia dicta Biala, naturâ  
loci, & artificii opere firma, Moschico præ-  
sidio firmissima, spes deditiois nulla: Itur  
oppugnatum; Oginfcus cum suis Cohorti-  
bus primus vallum conscendit: Ipse vexil-  
lum, ipse signifer, ipse tubicen, ipse Dux, i-  
pse Miles, ipse omnia. Ad mænia, ad mæ-  
nia conclamat, & præit. Et expugnâset pro-  
cul dubio, si terra inimica ignes sulfureos  
in se suosque focios, quibus haud pauci a-  
ducti fuerant, non euomisset. Hæc ille mul-  
toque plura, quæ loquetur testis tempo-  
rum Historia gessit pro Patria Oginfcus:  
Et modò, adhuc licet veteranus (qui Her-  
culis ad postem sua, rude iam donatus Ar-  
ma suspendit) gessisset, si digna suis labori-  
bus præmia responderent. Nihil hic dicam  
de tanti Herois Magno Filio Bogdano O-  
ginfcio M. D. L. Vexillifero: qui dum Pa-  
triæ cadenti opitulari deberet, ipse fato  
mortis acerbo occubuit. Tui non obliui-  
scar, quia nec possum, nec debeo. Illustrissi-  
me ac Magnifice Domine Martiane Ogin-  
ski, Trocensis Dapifer inclyte Illustrissimi  
verò Neosponsi, Nepos ex Sorore Perau-  
guste, inuiderat Patria Nationibus exteris,  
quæ Te nuper à Laribus domesticis ex sui  
amoribus rapuerant, vt bearentur. At post-  
quam Te peregrina littori Sarmatico Navis

H

ex



exposuit, ac Diuina Prouidentia Diis Patri-  
is, Coeloque, Litauro Te reddidit, plurimum  
sibi fuit gratulata. Nimirum quam foelix Pa-  
tria sibi videtur, dum Te in suum recepit  
sinum atque gremium, & quo tempore Te  
postliminio ab exteris reducē aspexit, suspexit  
auitq; honoribus ornare, ut mereris conten-  
dit. Ibis Illustris ac Magnifice Domine de  
Honore in Honorem, Ibis ad Trabeas Polu-  
damenta, Curules, Tuâ Prudentiâ, quam va-  
riis in Academiis es assecutus, viam Tibi ex-  
peditam sternente, ad amplissimas, quæ Te  
in Repub. expectant dignitates, Aquilam-  
que Polubinianam Gentilitia Tua Cruce il-  
lustrabis.

Sed me hîc à Thalamo longiùs iam pro-  
gressum, aut veriùs abreptum, quam vellem  
video Dux Illustrissime, Redeo, & cæptos  
Tibi meæ Musæ canunt Hymenæos. Non  
fatis erat Tuæ Aquilæ Clarissimarum Fami-  
liarum decorari sanguine, ac Insignibus, ni-  
si quoque & Wolodkiewicziana, sequatur, &  
assequatur vexilla. Equidem non errauit dū  
in hac Domo illustri nidum sibi locauit :  
Ex qua velut ex Equo Troiano, Viri Mar-  
tiis Palladiisque exercitati studiis plurimis  
ab annis prodierunt, atque prodeunt glo-  
riosi, ut enim fileam, quod à Magnis L. D.  
ex materna linea ducant originem : Cū  
Witoldi, germani Fratris Olgerdi M. D. L.  
Kormultus, à quo Wolodkieuicii descendūt,  
Fi-



Filiam Racam in coniugem habuerit ; & ex illa Kormultouicium, Niemiekfza dictum e-  
 diderit ; qui postea Wolodkum atque Alexandrum, magnos experiētiāque claros Milites reliquit. Idem Wolodkus Miles egregius eiusdem Nominis filium progeniuit : à quo posterī, non Kormultouicii à Kormulto, sed Wolodkiewiczii à Wolodkone nuncupari cœperunt. Ipsa monumenta literarum, horum promptitudinem animi, erga Patriā, tam in Comitibus, quàm in Castris testatam toties deprædicabunt. Ipsa fama eximios in Marte, veridicos in Senatu semper extitisse loquetur posteris. Hoc maiorum suorum præclaro excitatus exemplo Illustris & Magnus Dominus Christophorus Wolodkiewicz, cū non semel esset ad Comitatus Nuntius, Spartā suam ita absoluit ; ita Notariatū sui Terrestris Minscēsis exercet munia ; ita vitam cum pietate colit. Vt quod improbes sit nihil ; quæ autem laudibus efferas, sint omnia. Huius Tu Heros magnanime illustrē Filiam, Virginem spectatissimam, iam in thori vitæque fociam recipis. In qua genus cū forma ; forma cum comitate ; hæc cum probitate ; probitas denique cum pietate quæ ipsi Patria uirtus est ) certare videntur. Ita ut nescires, quid in ea potissimū, vel laudares, vel admirareris. Procul iam illa Lex, quā apud Polonos, antea nubere nulli foeminarum fas erat, nisi tres prius hostes con-

Sim. Okol-  
 scijs Tom-  
 2 in Labec

Stephanus  
 Forca-  
 ulus in  
 Felici  
 Polonia.



fodisset in prælio, & sacra fecisset ritu patrio: Quia hæc, vt superstitiosa fuerant ita quoque exoleuerunt cum tempore. Non tres hæc virtutis suæ hostes, vitia intelligo, confecit; sed tot, quot pietas expressit rectè factorum simulachra,

Assurge ergo iam Polubiniana Aquila Crucibus Sapientiarum, Oginfciorumq; munita; ac in altum euola. Quid hæres? Quamcunque petes mundi partem patet Tibi via. Aquila es, Fulgorem virtutum, solis instar hauries: Aquila es, Fulmina hostium non metues, Aquila es, Iouis, Poloni Monarchæ Armiger es. Aquila es, Coelum ipsum vinces. Siue medios velis inter hostes, siue media inter bellorum fulmina, siue inter Heroas, siue ipsa in fastigio mundi illustrem tuam collocabis Crucem, atque soleam, vexillumque Wolodkiewicianum, ne cunctare. Dies adsint eueniantque vestris sponsis placidiores, quàm Xerxi, Foeliciores, quàm Timoleonti, Beatiores quàm Iulio Cæsari. Et Vos Musæ Pierides audite me precantem: Foelicitatem à Deo immortalis, & ab hominibus optimam gloriam illi præbete Dixi.



7.XXII.21.



